



**აკადემიური საბჭოს
დადგენილება № 06-01/25**

ბსუ-ში 2024-2025 წელს განსახორციელებელი მიზნობრივი სამეცნიერო-კვლევითი პროექტის შესარჩევი კონკურსის შედეგების დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, ბსუ-ს წესდების მე-8 მუხლის, ბსუ-ს აკადემიური საბჭოს 2016 წლის 09 ივნისის 36 დადგენილებით დამტკიცებული „საჯარო სამართლის იურიდიული პირი – ბათუმის შოთა რუსთაველის სახელმწიფო უნივერსიტეტის მიზნობრივი სამეცნიერო-კვლევითი პროექტის შესარჩევი კონკურსის დებულების“, „ბსუ-ში 2024-2025 წლებში განსახორციელებელი მიზნობრივი სამეცნიერო-კვლევითი პროექტების შესარჩევი კონკურსის გამოცხადების შესახებ“ ბსუ-ს რექტორის 2023 წლის 12 თებერვლის №01-02/15 ბრძანების, საკონკურსო კომისიების ოქმების, აკადემიური საბჭოს რეგლამენტის და 2024 წლის 20 მარტის სხდომის ოქმის საფუძველზე, აკადემიურმა საბჭომ

დაადგინა:

1. დამტკიცდეს ბსუ-ს რექტორის 2023 წლის 12 თებერვლის №01-02/15 ბრძანების საფუძველზე ჩატარებული კონკურსის შედეგად გამარჯვებულად გამოვლენილი და ბსუ-ში 2024 წლის 20 მარტიდან 2025 წლის 15 დეკემბრის ჩათვლით განსახორციელებელი მიზნობრივი სამეცნიერო-კვლევითი პროექტები:

1.1. საბუნებისმეტყველო მეცნიერებების მიმართულებით:

ა) „სპექტროსკოპია ღვინის ავთენტიფიკაციიდან ერთროციტების ანალიზამდე“ - ხელმძღვანელი/მენეჯერი ზუსტ მეცნიერებათა და განათლების ფაკულტეტის პროფესორი ნუგზარ ლომიძე, ბიუჯეტი - 20.000 ლარი (დანართი N1);

ბ) „აჭარა-ლაზეთის ენდემური მცენარეული სახეობების ციტოტოქსიკური და ანტიმიკრობული მოქმედების განსაზღვრა“ ახალგაზრდა მკვლევარი, ხელმძღვანელი/მენეჯერი ბსუ-ს ფიტოპათოლოგიისა და ბიომრავალფეროვნების ინსტიტუტის მეცნიერი თანამშრომელი დალი ბერიძე; ბიუჯეტი- 9 990 ლარი (დანართი N2).

1.2. მათემატიკა, კომპიუტერული მეცნიერებების მიმართულებით:

გ) „ექვივარიანტული შეიპები და ჰომოლოგიები“- ხელმძღვანელი/მენეჯერი ბსუ-ს ზუსტ მეცნიერებათა და განათლების ფაკულტეტის პროფესორი ვლადიმერ ბალაძე; ბიუჯეტი - 19 500 ლარი (დანართი N3);

1.3. ინჟინერიის, ტექნოლოგიების მიმართულებით:

დ) „შეკუმშული ღეროების კრიტიკული მახვების მნიშვნელობის განსაზღვრა

მასალის მუშაობის დრეკად-პლასტიკურ არეში“ - ხელმძღვანელი/მენეჯერი - ტექნოლოგიების ფაკულტეტის პროფესორი გაიოზ ფარცხალაძე; ბიუჯეტი - 13 340 ლარი (დანართი N4);

1.4. აგრარული მეცნიერებების მიმართულებით:

ე) „აჭარის რეგიონში მანდარინის ნარგაობით დაკავებული ნიადაგების ნაყოფიერების ამაღლება ბიოპრეპარატების გამოყენებით“ - ხელმძღვანელი/მენეჯერი ბსუ-ს აგრარული და მემბრანული ტექნოლოგიების ინსტიტუტის უფროსი მეცნიერი თანამშრომელი ნუნუ კუტალაძე; ბიუჯეტი - 20 000 ლარი (დანართი N5);

ვ) „ძალყურძენასებრთა ოჯახის კულტურებზე გავრცელებული Aternaria-ს გვარის აგრესიული სახეობების გამოვლენა და მათი გენომის გაშიფვრა ახალი თაობის ტექნოლოგიების გამოყენებით“ - ახალგაზრდა მკვლევარი, ხელმძღვანელი/მენეჯერი - ბსუ-ს ფიტოპათოლოგიისა და ბიომრავალფეროვნების ინსტიტუტის მეცნიერი თანამშრომელი რუსუდან დუმბაძე; ბიუჯეტი - 10 000 ლარი (დანართი N6).

1.5. ეკონომიკისა და ბიზნესის მიმართულებით:

ზ) „მოსახლეობის სოციალური რისკების წარმომქმნელი ფაქტორების კვლევა და მართვის შესაძლებლობების შეფასება ინდივიდუალურ და სახელმწიფო დონეზე“ - ხელმძღვანელი/მენეჯერი ბსუ-ს ეკონომიკისა და ბიზნესის ფაკულტეტის პროფესორი ასიე ცინცაძე, ბიუჯეტი - 20.000 ლარი (დანართი 7);

თ) „ევროკავშირის სტანდარტები და მოთხოვნები მცირე და საშუალო ბიზნეს სუბიექტების მიმართ და მათი იმპლემენტაციის შესაძლებლობა საქართველოში“. ახალგაზრდა მკვლევარი, ხელმძღვანელი/მენეჯერი - ბსუ-ს ეკონომიკისა და ბიზნესის ფაკულტეტის ასისტენტ-პროფესორი გიორგი ქათამაძე ბიუჯეტი - 9 900 ლარი (დანართი N8);

1.6. ჰუმანიტარული მეცნიერებების მიმართულებით:

ი) „ფულადი მიმოქცევა და საბანკო საქმე XIX ს მეორე ნახევრისა და XX ს პირველი მეოთხედის ბათუმში“- ხელმძღვანელი/მენეჯერი ბსუ-ს ნიკო ბერძენიშვილის ინსტიტუტის უფროსი მეცნიერი თანამშრომელი ირინე ვარშალომიძე; ბიუჯეტი - 16 750 ლარი (დანართი N9);

კ) „დამოუკიდებელი საქართველო და ევროპა (1991-2003)“ ახალგაზრდა მკვლევარი, ხელმძღვანელი/მენეჯერი - ბსუ-ს ჰუმანიტარულ მეცნიერებათა ფაკულტეტის ასისტენტ-პროფესორი ლევან ტარიელაძე; ბიუჯეტი - 10 000 ლარი (დანართი N10);

1.7. სოციალური მეცნიერებების მიმართულებით:

ლ) „სტუდენტთა ადაპტაციის ფსიქოლოგიური ასპექტები: ადაპტაციის სირთულეები და მისი გავლენა სწავლის შედეგებზე“ ხელმძღვანელი/მენეჯერი -ბსუ-ს იურიდიული და სოციალური მეცნიერებების ფაკულტეტის პროფესორი ქეთევან ბერიძე; ბიუჯეტი - 19 950 ლარი (დანართი N11);

მ) „რუსული რბილი ძალა აჭარის ავტონომიური რესპუბლიკაში და საზოგადოებრივი აზრის ტრანსფორმაცია რეგიონში რუსეთ-უკრაინის ომის პარალელურად“ ხელმძღვანელი/მენეჯერი იურიდიული და სოციალური მეცნიერებების ფაკულტეტის ასოცირებული პროფესორი ლაშა ხოზრევანიძე ბიუჯეტი - 10 000 ლარი (დანართი N12);

1.8. მედიცინისა და ჯანმრთელობის მეცნიერებების მიმართულებით:

ნ) „ალცჰაიმერის დაავადება გენეტიკური პოლიმორფიზმის გათვალისწინებით“ - ხელმძღვანელი/მენეჯერი საბუნებისმეტყველო მეცნიერებათა და ჯანდაცვის ფაკულტეტის ასოცირებული პროფესორი შორენა ვაშაძე; ბიუჯეტი - 20 000 ლარი (დანართი N13);

1.9. ტურიზმის მენეჯმენტის მიმართულებით:

ო) „სოფლად კერძო საკარმიდამოზე ტურიზმის ბიზნესის ინტენსიური და მდგრადი განვითარების ორგანიზაციულ-ეკონომიკური მექანიზმების /ალგორითმების შემუშავება რეგიონალურ დონეზე მთიანი აჭარის სოფლების მაგალითზე“ - ხელმძღვანელი/მენეჯერი ტურიზმის ფაკულტეტის ასოცირებული პროფესორი ირაკლი კორძაია, ბიუჯეტი - 20 000 ლარი (დანართი N14).

1.10. ინტერდისციპლინური კვლევების მიმართულებით:

პ) „აჭარა-გურიის თერმული წყლების და მათი თანმხლები აირების კვლევა, ბუნებრივი რესურსების მართვის მიზნით“ - ხელმძღვანელი/მენეჯერი ბსუ-ს აგრარული და მემბრანული ტექნოლოგიების ინსტიტუტის მთავარი მეცნიერი თანამშრომელი ნინო კიკნაძე; ბიუჯეტი - 20 000 ლარი (დანართი N15);

2. ეთხოვოს უნივერსიტეტის რექტორს და ადმინისტრაციის ხელმძღვანელს „საჯარო სამართლის იურიდიული პირი – ბათუმის შოთა რუსთაველის სახელმწიფო უნივერსიტეტის მიზნობრივი სამეცნიერო-კვლევითი პროექტის შესარჩევი კონკურსის დებულების“ და ამ დადგენილებით დამტკიცებული გამარჯვებული პროექტების განხორციელების მიზნით, ბსუ-ს ბიუჯეტისა და გამარჯვებული პროექტების შინაარსის (აღწერილობა, კალენდარული გეგმა, ბიუჯეტი, პერსონალის თანხმობები) გათვალისწინებით, საქართველოს კანონმდებლობის შესაბამისი სამართლებრივი აქტების გამოცემა/შრომითი ხელშეკრულებების გაფორმება.

3. გამარჯვებული პროექტების ხელმძღვანელებს/მენეჯერებს დაევალოთ დადგენილების გამოცემიდან არაუგვიანეს 3 სამუშაო დღისა წარუდგინონ ბსუ-ს რექტორს პროექტის პერსონალის (თითოეულის ცალ-ცალკე) სამუშაო აღწერილობები, გასაცემი შრომის ანაზღაურების ოდენობის მითითებით, შრომითი ხელშეკრულებების გაფორმების მიზნით.

4. დადგენილება გამოქვეყნდეს ბსუ-ს ვებგვერდზე;

5. წინამდებარე დადგენილება დაეგზავნოს რექტორს, რექტორის მოადგილეს, ხარისხის უზრუნველყოფის სამსახურს, ადმინისტრაციის ხელმძღვანელს, საფინანსო-ეკონომიკური დეპარტამენტს, საქმისწარმოების სამსახურს (კანცელარია), საინფორმაციო ტექნოლოგიების სამსახურს, იურიდიულ დეპარტამენტს და გამარჯვებული პროექტების ხელმძღვანელებს და განმახორციელებელი პერსონალს/ფაკულტეტებს).

6. დადგენილება ამოქმედდეს ხელმოწერისთანავე.

7. დადგენილება შეიძლება გასაჩივრდეს კანონმდებლობით დადგენილი წესით და ვადაში ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. N30).

აკადემიური საბჭოს თავმჯდომარე,
რექტორი, პროფესორი

მერაბ ხალვაში